

82

2-16

910

ll-yp.
ll-p-

ԱՄԷՆ ՊՐԱԿ ԱՄԲՈՂՋԱԿԱՆ ՊԱՏՄՈՒԹԻՒՆ ՄԸ ԿԸ ՊԱՐՈՒՆԱԿԷ



Ն Ա Ք Բ Ի Ն Գ Ե Ի Ք Ը Ն

ԱՄԵՐԻԿԱՅԻ ՀՈԶԱԿԱԻՈՐ ԳԱՂՏՆԻ
ՈՍՏԻԿԱՆԻՆ ՆՈՐԱՐԿԱԾՆԵՐԸ

ՔԱՐԳՄ. Ժ. Շ.

ԹԻԻ 2

Մ Ա Հ Ո Ւ Ա Ն Ժ Ա Յ Ո Ր



Գաղսնի ոստիկանին փոկը իր նպաստակին հասաւ մարիմարիփա-
կան հեղութիւնով մը եւ բռուարականը կռնակի վրայ ինկաւ
խառստ տառակ մը արձանեւով :

ՄԱՅՈՒԱՆ ԺԱՅՈՒԸ

ԱՆԱԿՆԿԱԼ ԱՅՅԵԼՈՒԹԻՒՆ ՄԸ

Մր. ձէյմս Հօուլէթ, Վիրճինիայի նահանգին արեւմտեան մասին մէջ գտնուած Հինթըր փոքր քաղաքին սոստիկանութեան քննիչը, կիրակի առտու մը սոստիկանութեան պաշտօնատան մէջ իր գրասենեակը նստած էր, երբ սոստիկան մը ներկայացաւ և իմացուց թէ Նիւ Եօրքէն եկած պարոն մը կ'ուզէր իրեն հետ խօսիլ:

— Ներս բերէք, ըսաւ քննիչը:

Այցելուն բաւական բարձրահասակ, անպէս անմօրուս դէմքով, գորշագոյն և խորաթափանց աչքերով և խիստ վայելուչ հագուած մարդ մըն էր:

Օտարականը գլխի թեթև խոնարհութիւն մը ընելով ըսաւ.

— Թոյլ տուէք որ ինքզինքս ներկայացնեմ ձեզի: Իմ անունս Նաթ Փինքէրթըն է և Նիւ Եօրքցի եմ:

Քննիչը ստուում մը ըրաւ ավտուին վրայ:

— Նաթ Փինքէրթըն, հռչակաւոր գաղտնի սոստիկանը: Այցելուն հաստատական նշան մը ըրաւ: Ձէյմս Հօուլէթ անոր ձեռքը բռնեց և սիրալիբ կերպով սեղմեց:

— Օ'հ, Մր. Փինքէրթըն, ըսաւ, թոյլ տուէք որ բարի գալուստ մաղթեմ ձեզի: Չէք գիտե՞ք թէ ս'րչափ ուրախ եմ որ վերջապէս կը ծանօթանամ այն մարդուն, որուն քաջագործութիւններուն և յաջողութիւններուն վրայ կը հիանամ երկար տարիներէ ի վեր:

Այն ատեն քննիչը հրաւիրեց դադանի ստիկանը որ թիկնաթոռի մը վրայ նստի: Յետոյ բուն շահագրգռութիւնով մը հարցուց.

— Ի՞նչ պատճառաւ եկաք մեր մեկուսացած փոքր քաղաքը, Մր. Փինքէրթըն: Արդեօք, ոճրագործ մը կը փնտռէք:

Վարպետը ուսերը թօթուեց:

— Ես ալ աղէկ մը չեմ գիտեր, ըսաւ:

— Ի՞նչպէս, պոռաց քննիչը զարմանքով: Ի՞նչ ըսել կ'ուզէք:

— Նիւ Եօրքցի Մր. Հէրրի Բալմէրի մահուան պատճառաւ եկած եմ հոս:

— Ա՛հ, այո՛, երէկ իրիկուն անձնասպան եղած պարոնը, որուն դիակը գտնուեցաւ Մահուան Ժայռին ստորտը, մեր քաղաքին մօտիկը գտնուած կրինպրայի լեռներուն մէջ:

— Այո՛, ճիշդ այդ է: Այդ դժբախտ մարդուն հետ մտերիմ բարեկամութիւն մը ունէի և երբեմն, երբ դադուսներս պարապ ժամանակ ձգէին ինծի, իր երեկոյթներուն ներկայ կ'ըլլայի նիւ Եօրքի մէջ: Վերջին օրերս Չինչինաթի կը գտնուէի, ուր կարգադրելիք գործ սը ունէի: Երէկ չէ առջի իրիկուն, հոն հանդիպեցայ Հէրրի Բալմէր բարեկամիս: Քանի մը ժամ միասին անցուցինք և Մր. Բալմէրը այսքան զուարթ և ապրելուն համար այսքան ուրախ վիճակի մէջ տեսած չէի բնաւ: Երկուքս ալ միեւնոյն պաշտօնիկը իջած էինք, որով կրցայ երէկ առտու քանի մը ժամ ևս մնալ անոր հետ: Իրեն ընկերացայ մինչև պանքան և հոնկէ՛ կայարան: Ինծի ըսաւ թէ Հինթընէն մեկնելով մտադիր էր մեծ պտոյտ մը կատարել կրինպրայի լեռներուն մէջ, զորս տակաւին տեսած չէր: Ապահովաբար ես ալ իրեն հետ սիտի երթայի եթէ աւարտելիք զանազան գործեր չունենայի: Այս գիշեր միայն մեկնեցայ, ուղղակի նիւ Եօրք երթալու մտադրութեամբ: Հոս եկած ատեն, կառախուսմբը 2—3 վայրիեան կեցաւ: Լսեցի որ լրագրավաճառները յաքելուած մը կը ծախէին: Հատ մը գնեցի ու այս կերպով

իմացայ թէ ի՞նչպէս գտնուած էր Բալմէր բարեկամիս մարմինը: Վահոնէն վար ցատկեցի առանց ուրիշ մտածումի:

Քննիչը, որ լռութեամբ լսակ ըրած էր, ըսաւ.

— Կը հասկնամ, Մր. Փինքէրթըն, շատ կը սիրէիք ձեր բարեկամը և կ'ուզէք նիւ Եօրք փոխադրել զայն պատշաճ կերպով մը:

— Այո՛, նախ ատիկա: Բայց ուրիշ պատճառ մըն ալ կայ, որուն համար ճամբորդութիւնս ընդհատեցի: Չեմ կրնար հաւատալ թէ այդ միեւնոյն Հէրրի Բալմէրը, որ տակաւին երէկ կը հաւատտէր ինծի զուարթօրէն թէ կեանքը լաւ և զեղեցիկ բան մըն է, կամովին անձնասպան եղած ըլլայ:

— Ա՛հ, կը կարծէք թէ արկած մը պատահած է:

— Արկած մը կամ ոճիր մը, ըսաւ նախ Փինքէրթըն ծանրօրէն: Ծիշդ աս է որ լուսաբանել կ'ուզեմ:

Քննիչը չկրցաւ սարսուռ մը զսպել:

— Ոճի՞ր մը, կրկնեց մեքենաբար, իմ միտքէս ալ անցաւ արդէն այդ գաղափարը:

— Ի՞նչպէս, պոռաց Փինքէրթըն, դժուար ալ այդ գաղափարը ունեցաք: Ինչէ՞ն այդպիսի բան մը միտքէ անցուցիք:

— Ո՛չ թէ ձեր բարեկամին՝ Հէրրի Բալմէրի, այլ ուրիշ նմանօրինակ դէպքերու առթիւ, որոնք ասկէ առաջ պատահեցան:

— Կը հաճի՞ք այդ մասին քիչ մը տեղեկութիւն տալ ինծի:

— Ամենայն սիրով: Մահուան Ժայռը, որ հոսկէ գրէթէ մէկ ժամ հետու է, ցից սար մը կը կազմէ, ուր կարելի է երթալ բաւական նեղ, բայց անվտանգ արահետէ մը: Բոլոր դաւառին մէջ հռչակուած տեսարան մը ունի: Եւ իրաւ, լեռան կատարէն պարզուած տեսարանը խիստ զեղեցիկ է: Հոն մանաւանդ կարելի է սքանչանալ ճշմարտապէս հրաշալի արևածագերու վրայ: Ուստի մեր դաւառը այցելող բոլոր զբօսաշրջիկները ժամադիր կ'ըլլան հոն: Ատենօք այդ ժայռը, իր գեղեցիկութեանը պատճառաւ, կը կոչուէր Ազար Սար: Հազիւ տարի մը կայ որ Մահուան Ժայռ կը կոչուի

ժողովուրդին մէջ: Արդարեւ այդ թուականէն մինչեւ այսօր
 առնուազն տասնըմէկ անձնասպանութիւններ պատահած են:
 Այդ տասնըմէկ դժբախտները միեւնոյն ձեւով անձնասպան
 եղած են, այսինքն անջրպետին մէջ նետուելով, արեւելեան
 կողին վրայ, հոն ուր լեռը ցցուած դիրք մը ունի: Անոնց
 դիակները կտոր կտոր եղած վիճակի մէջ գտնուեցան ժայռի
 ստորոտը, ճիշդ այն տեղը, ուրիկ երէկ վերցուեցաւ ձեր
 բարեկամին մարմինը:

— Սոսկալի՛ բան է: Ընդհանրապէս ի՞նչ տեսակ մար-
 դիկ էին անոնք:

— Ամենքն ալ ընկերական լաւագոյն դիրք ունեցող
 մարդիկ: Երեք դիակներ անճանաչելի մնացին: Անշուշտ
 Եւրոպացիներ էին, որոնք զբօսական ճամբորդութիւն մը
 կ'ընէին: Ես իմ մասին բաւական զարմանք զգացի անձ-
 նասպանութիւններու այս արագ յաջորդութեան վրայ: Յե-
 տոյ, ուրիշ շատերու նման, ինքնիրենս ըսի թէ կ'երեւայ
 որ ժայռը տեսակ մը խորհրդաւոր ազդեցութիւն կամ հրա-
 պուրանք ի գործ գնելու վրայ է այն օրէն ի վեր, ուր ա-
 ռաջին անձնասպանութիւնը տեղի ունեցած էր:

— Ի՞նչպէս ձեր մտքէն անցուցիք թէ կարելի է որ շարք
 մը սճիրներ եղած ըլլան անոնք, հարցուց Փինքէրթըն:
 — Տէր Աստուած, պարզապէս անոր համար որ աղե-
 տալի ժայռին ստորոտը մեռած գտնուողներէն ոմանք հոսկէ
 մեկնած էին կեանքով և զուարթութեամբ աուլցուն, դէպ ի
 լեռ ճամբայ ելած ատեննին:

— Կը տեսնէ՞ք, ըսաւ Փինքէրթըն ծանր ձայնով մը,
 ճիշդ նոյն պատճառներով էր որ նոսալ Հինթըն իջայ, որ-
 պէսզի փորձ մը ընեմ երեւան հանելու համար բարեկամիս
 մահուան իրական պատճառները: Ըսէք ինձի քիչ մը թէ
 մեռեալներուն վրայ գտնուած դրամն և արժէքաւոր առար-
 կաները ինչ եղած էին:

— Իրենց դրամն ու գոհարեղէնները միշտ վրանին
 գտնուած են: Պէտք է աւելցնեմ սակայն թէ անոնցմէ եր-
 կուքին ընտանիքները հաւաստած են թէ մեկնած ատեննին
 շատ աւելի մեծ գումար մը տարած են իրենց հետ: Բայց

որովհետեւ ժամացոյցները, մատանիները և ուրիշ գոհարե-
 դէններ ոչ մէկ պարագայի մէջ անհետացած չէին, ինչպէս որ
 միւս կողմէ դրամապանակները և թղթապանակները միշտ
 լեցուն վիճակի մէջ գտնուած էին, անկարելի կ'երեւէր ըն-
 դունիլ որ դիակները կողոպտուած ըլլային: Եթէ գողնային,
 ամէն բան կ'տեսնէին, այնպէս չէ: Բացայայտ է ասիկա:
 Այն ատեն մէկ բացատրութիւն միայն էր մնար, այսինքն
 թէ մեռեալը, իր եղերական վախճանէն քանի մը օր առաջ
 իր դրամին մէկ մասը գողցնել տուած կամ թէ ինքը չուայ
 կեանք մը անցուցած և մեծագումար դրամ ծախսած էր:

Վարպետը պահ մը իր խորհրդածութիւններուն մէջ
 թաղուեցաւ: Յետոյ ըսաւ.

— Մը Հէրրի Բալմէր որչա՞փ դրամ ունէր վրան:

Քննիչը ուղղուեցաւ պզտիկ դրամարկղի մը քով որ կը
 գտնուէր իր գրասենեակին մէջ:

— Անոր վրայէն գտնուած զօրոր բաները առժամապէս
 հոս դրի, ըսաւ:

— Լա՛ւ ուրեմն, ես ձեզի պիտի ըսեմ թէ ի՞նչ
 ունէր վրան: Նախ՝ մատներուն վրայ չորս մատանի ունէր,
 որոնց երկուքը խիստ զեղեցիկ ազամանդներով զարդարուած
 էին, ուրիշ մը՝ հիանալի սուտակով մը և չորրորդ մը՝ շա-
 փիւղայով մը:

— Ճի՛շդ է: Ահաւասիկ մատանիները, ըսաւ Քննիչը,
 սեղանին վրայ դնելով զանոնք:

Վարպետը ոտուզեց թէ ճի՛շդ անոնք էին, զորս տեսած
 էր Հէրրի Բալմէրի մատներուն վրայ: Յետոյ շարունակեց.

— Ասոնցմէ զատ բարեկամս ունէր փողկապի ասեղ մը
 մը հինգ փոքր ազամանդներով, որոնք դրուած էին չրջա-
 նակի ձեւով:

— Ահաւասիկ:

— Դրամապանակին մէջ, գիտե՞մ, բաւական ոսկի ունէր:

— Երկու ոսկի միայն կը տեսնեմ հոս:

— Միայն երկու ոսկի: Բայց անկարելի՛ է:

Վարպետը նայեցաւ դրամապանակին մէջ: Արդարեւ
 տեսաւ տասնի չափ արծաթ տուար, նաեւ 20 տուարնոց
 երկու ոսկի:

— Ատիկա տարօրինակ է, մրմառաց: Ստուգապէս գիտեմ թէ շատ ոսկի ունէր վրան: Չինչինաթիէն մեկնած պահուէն, ըսաւ ինծի թէ պանքտոմսի վերածել տալու էր, թէ դրամապանակը շատ ծանր էր: Բայց շարունակեմք: Հէրրի Բալմէր ուսուսական կարմիր կաշիէ վայելուչ թղթապանակ մը ունէր, որ հինգ հազար տոլարէն աւելի կը պարունակէր:

Գննիչ Հօուլէթ զարմանքի ազդակ մը արձակեց,

— Ա՛հ, ո՛չ, այս անգամ այդպիսի բան չկայ: Ձեր ըսած թղթապանակին մէջ հազար տոլարէն աւելի չկայ:

— Է՛ սերեմն, հասկցանք, ըսաւ գաղտնի ոստիկանը հանդարտ ձայնով մը, հակառակ իր զգացած բուռն յուզումին: Ես ստուգապէս գիտեմ թէ Բալմէր հինգ հազար տոլարէն աւելի ունէր: Արդէն ըսի ձեզ թէ երէկ առաւօտ, Չինչինաթիի մէջ, իրեն ընկերացած էի մինչև պանքան, ուր գացած էր դրամը առնելու համար: Եւ յետոյ, ինծի ըսաւ թէ ճամբորդութեան մէջ միշտ պէտք էր որ մեծ գումար մը ունենար իր վրայ, ապա թէ ոչ հանգիստ չէր ըլլար: Արդ, նիւթապէս անկարելի է որ Չինչինաթիէն մինչև հոս ճամբորդած միջոցին այդ բոլոր դրամը ծախսած ըլլայ:

— Բացայայտ է: Հարկադրուած ենք ուրեմն ընդունելու թէ կողոպտուած է:

— Նախ սպաննուած և յետոյ կողոպտուած է, համոզուած եմ ասոր, ըսաւ վարպետը: Եւ դժբախտաբար շատ հաւանական կ'երեւայ ինծի որ միւս տաւր զոհերը կամ զէթ անոնցմէ շատերը միեւնոյն կերպով մեռած ըլլան:

Գննիչ Հօուլէթ բուռն յուզումի մը ենթարկուած էր: Աթոռէն ելած էր և տենդոտ կերպով մը վեր վար կը պտտէր իր գրասենեակին մէջ:

— Մեծդ Աստուած, ճի՛շդ է արդեօք, ըսաւ: Ստուգիւ այդ բոլոր մահերը անձնասպանութիւններ չե՞ն արդեօք: Կարելի՞ է որ տարուան մը ընթացքին մէջ ամէնէն զարհուրելի ոճիրները գործուին մեր քաղաքին դուռներուն առջև ու ոչ ոք կասկածի:

— Աւա՛ղ, ինծի կուգայ որ այդպէս է, պատասխանեց փինքէրթըն:

— Բայց այն ատեն մարդասպանը ինչո՞ւ ամբողջ դրամը չէ առած: Ինչո՞ւ գոհարեղէնները ձգած է:

— Շատ պարզ և շատ դիւրահասկնալի է: Թշուառականը հոգ կը տանէր իր զոհերուն վրայ ձգելու անոնց գոհարեղէնները և մաս մը դրամ որպէս զի մտքէ անցընող չըլլայ թէ խնդիրը սպանութեան մը և գողութեան մը վրայ կրնայ ըլլալ: Դուք ալ կը տեսնէք թէ շատ պարագաներու մէջ յաջողած է կասկած չյարուցանել: Դրամին մէկ մասը միայն կ'առնէր: Այս կերպով, երբ դիակները կը գտնուէին, չէր կարծուեր թէ անոնցմէ բան մը պակաս ըլլար, քանի որ հոգ կը տանէր բաւական գումար մը ձգելու, որպէս զի ճանչնան թէ անոնք բարեկեցիկ մարդեր են: Այս զգուշութեան հակառակ, յելուզակը մեծ աւար մը ձեռք կ'անցընէր: Այդ աւարը միմիայն Հէրրի Բալմէրի համար առ նուազն չորս հազար տոլարի կը հասնի:

Հօուլէթ վրդոված էր:

— Սոսկալի՛ բան, սոսկալի՛ բան, կ'ըսէր միշտ ողբագին: Բայց ի՞նչ ընելու է, ի՞նչ ընելու է:

— Բան մը ընելու չէ: Մարդու բան մի՛ ըսէք: Այնպէս ըրէք որ մէկը չկասկածի թէ ես հոս եմ և այս գործով կը զբաղիմ: Պէտք է որ մարդասպանը կամ մարդասպանները ինքզինքնին կատարեալ ապահովութեան մէջ կարծեն: Բաւորովին մինակ պիտի գործեմ և կրնամ բան մը երաշխաւորել ձեզ, Մր. Հօուլէթ, այսինքն սա՛ թէ Հինթընէն պիտի չմեկնիմ մինչև որ կատարելապէս չլուսաբանեմ գաղտնիքը:

— Շատ լաւ, Մր. Փինքէրթըն: Գիտեմ թէ գործը լաւ ձեռքերու մէջ է և թէ դո՛ւք կարող էր յաջողիլ:

— Հիմա, եկէք, Մր. Հօուլէթ, և դիակնարան տարէք զիս, կ'ենթադրեմ թէ Բալմէր բարեկամս դազալի մէջ դրուած է արդէն:

— Անշուշտ: Դիակին վրայ գտնուած թուղթերուն տեղեկութեանց համեմատ Բալմէրի ընտանիքին հեռագրեցի նիւ Եօրք և վայրկեանէ վայրկեան անոնց պատասխանին կ'սպասեմ:

— Ընտանիքը անշուշտ պիտի պատասխանէ խնդրելով

որ Մր. Բալէրի մարմինը Նիւ Նորք փոխադրել տաք և ծախքը բնէք հանգուցեալին վրայ դանուած դրամէն, պատասխանեց վարպետը :

Երկու մարդիկը ոստիկանութեան պաշտօնատունէն մեկնեցան և դիակնարանին ճամբան բռնեցին, ուր շուտով հասան : Մեռելը իր դադազին մէջ կը հանգչէր, կէս մութ քնդարձակ սրահի մը մէջտեղ :

Գազանի ոստիկանը խորին յուզումով մը մօտեցաւ այն մարդուն, որուն հետ քանի մը տարիէ ի վեր բարեկամական յարաբերութիւններ կը մշակէր և որուն բարի սիրտն ու աչքիւն կարագիրը ուրիշներէն աւելի աղէկ գնահատած էր :

Մահատիպ դէմքը անպատու մարմնաւորի արտայայտութիւն մը ունէր :

Փինքէրթըն ծանր շարժումով մը ցոյց տուաւ զայն :

— Միւս մեռելներուն քով դէմքի այս արտայայտութիւնը տեսած էք, հարցուց :

— Այո՛, գրէթէ ամէնքն ալ ունէին :

— Ստիկա անգամ մը եւս կ'ապացուցանէ թէ անձնապանութիւն գործուած չէ : Եկէ՛ք, Մր. Հօուլէթ :

Դուրս ելան : Գազանի ոստիկանը հոն կանգ առաւ ու հարցուց :

— Մահուան ժայռին մօտերը բնակարաններ կա՞ն :

— Այո՛, լեռներուն ստորտը ցրուած քանի մը պղտիկ աղարակներ կան : Միւս կողմէ, տասը վայրկեանի չափ հեռու այն տեղէն, ուր կ'սկսի ժայռին գաղաթը տանող ճամբան, Սէմիւրը Ուօրվիքի բանեցուցած և վեր ելլող կամ վար իջնող զբօսաշրջիկներուն յաճախած պանդոկը կը գտնուի :

— Տեղացիները շատ կ'երթա՞ն այդ պանդոկը :

— Կ'երեւայ թէ այդ պանդոկը աղէկ կը բանի : Ամէն պարագայի մէջ աւելորդ է ըսել թէ օտարականներն ևն որ ամէնէն մեծ շահերը կը հայթայթեն անոր :

— Կը հաւատամ որ այդպէս է : Ձեզմէ կը բամուխմ Մր. Հօուլէթ : Կ'ուզեմ անմիջապէս գործի սկսիլ և ամէն քանի առաջ սա Մահուան հոշակաւոր ժայռը այցելել : Թե՛րեւս հոն շահեկան բաներ գտնեմ : Ըսել է թէ վեր ելլելու համար մինակ ձեր ըսած ճամբա՞ն կայ :

— Կ'երեւայ թէ հիւսիսակողմի ճակտին վրայ նեղ, գրէթէ ուղղահայեաց ճամբայ մը կայ, որմէ կ'ելլեն երբեմն իրտտ յանգուզն մագլցողներ : Բայց ստիկա հազուադէպ է : Այս տեղի մարդիկը իրենց ոսկորները ջախջախելու վտանգին չեն ենթարկեր ինքզինքնին : Գալով օտար զբօսաշրջիկներուն, անոնք ալ կը զգուշանան այդ ճամբէն, որ ստակալի կերպով վտանգաւոր է : Կը նախընտրեմ սովորական ճամբան, որ հոճելի և անվտանգ է :

— Հարկաւ այդպէս պիտի ընեն : Մնաք բարով, Մր. Հօուլէթ : Նորէն կ'ըսեմ որ Հինթընի մէջ իմ ներկայութեանս և մեր ունեցած սոսկալի կասկածներուն խօսքը չընէք մէկուն :

— Շատ աղէկ, Մր. Փինքէրթըն : Բարի յաջողութիւն կը մտղթեմ ձեզի և կը յուսամ թէ քիչ ատենէն պիտի կրնաք լուսարանել այս գազանիքը :

— Բան մըն ալ ըսեմ : Ես զբօսաշրջիկ պիտի ձեւանամ և Ուօրվիքի պանդոկը պիտի բնակիմ : Կրնայ ըլլալ որ քանի մը օր հոն մնամ : Վստահելի երիտասարդի մը կը յանձնարարէք կայարան երթալ և տեսնել թէ այս օրերս նոր զբօսաշրջիկներ կուգա՞ն : Եթէ անոնց մէջ Մահուան ժայռը այցելելու դիտաւորութիւն ունեցողներ կան, ձեր երիտասարդը նամակատան ցրուիչի պէս կը հազուեցնէք և անմիջապէս երկանիւով կը զրկէք իմաց տալու համար ինծի : Միւսնոյն ատեն ինծի յանձնելու համար կուտաք կնքուած խոշոր պահարան մը, որ կարեւոր դուժար մը պարունակող յանձնարարեալ նամակի մը երեւոյթը ունենայ : Աւելորդ է ըսել թէ պահարանին մէջ հին թերթեր միայն կը գնէք և թուղթի պղտիկ կտորով մը կ'իմացնէք ինծի թէ ճամբայ ելլող զբօսաշրջիկը ո՛վ է և ժամը քանիին պիտի հասնի Մահուան ժայռը : Ըսածներս դիւրաւ ըլլալիք բաներ են, այնպէս չէ՞ :


— Այո՛, Մր. Փինքէրթըն : Ես իմ տրամադրութեանս տակ ունիմ վստահելի երիտասարդ մը, որ հիւսնալի կերպով պիտի կատարէ այս յանձնարարութիւնը : Կրնաք ապահով ըլլալ թէ ձեր ըսածները պիտի գործադրուին և դուք կատարելապէս գոհ պիտի մնաք :

— Լա՛ւ : Այդ յանձնարարեալ կեզծ նամակը պէտք է ուղղուի Մր. Ճօն ձեքօրնի :

Քինքէրթըն նօթագրեց հասցէն, որմէ ետք երկու մարդիկը քաժնուեցան իրարմէ : Փինքէրթըն աշխոյժ քայլերով մեկնեցաւ Հինթընի փոքրիկ քաղաքէն դէպ ի Մահուան ժայռը, մինչ քննիչը իր գրասենեակը կը գտունար, խիստ դիւրահասկնալի յուզման մը մատնուած :

Սկսաւ դադարի ոստիկանին հրահանգները գործադրել : Ժամ մը ետքը, արթուն և ուշիմ դէմքով երիտասարդ մը, որուն Հօուլէթ ըսած էր պէտք եղածները լաւ վարձատրութիւն մը խոտտանալէ ետք, կայարանին մէջ կեցած կը դիտէր եկող ճամբորդներուն վրայ հսկելու և զիտնալու թէ անոնք մտադրութիւն ունէին Մահուան ժայռը այցելելու :

Փոքրիկ ու խաղաղիկ Հինթըն քաղաքին մէջ ո՛չ ոք մտքէն կ'անցընէր թէ հոչակաւոր դադանի ոստիկան Նաթ Փինքէրթըն երեւան հանելու վրայ էր ամբողջ շարք մը սուկալի ոճիրներու, որոնք զրէթէ քաղաքին դուռներուն առջև գործուած էին :



ՕՏԱՐ ԶԲՕՍԱՇՐՁԻԿԸ

Փինքէրթըն արագ արագ կը յառաջանար, ո՛ր և է ընտկարանի մօտենալէ խուսափելով : Առ այժմ կ'ուզէր որ չտեսնուի : Երեք քառորդ ժամ քայլելէ ետք, հասաւ կրինպրայի լեռներուն առաջին ցից դարու վարները : Մեկուսացեալ բարձր սարահարթը, զոր ճիշդ իր դէմը կը տեսնէր, անշուշտ ա՛յն էր որ «Մահուան ժայռ» աղետալի անունը առած էր :

Ճամբուն վրայ, այն տեղին մօտ, ուրկէ կ'սկսէր լեռան գազաթը տանող նեղ արահետը, կը բարձրանար Սէմիւրը Ուօրվիք անուն մէկու մը պատկանող պանդոկը, ինչպէս ըսած էր Հօուլէթ, Վարպետը հո՛ս ալ չէր ուզեր որ զինքը տեսնեն : Ուստի մեծ շրջան մը սրաւ և ժայռուտ զանգուածին ստորոտէն դարձաւ առանց մէկէ մը նշմարուելու :

Շուտով հասաւ արեւելեան գառիթափին վրայ : Ապառաժը այդ կողմէ ցից էր և հողկէ էր որ տասըմէկ դոնորը անջրպետին մէջ դանավիծած էին, Լեռան կողը այդ տեղ կը կազմէր տեսակ մը ուղղահայեաց պատ, զգլխիչ բարձրութեամբ : Վարը, կը տարածուէր քարերու անազին կոյտ մը որուն վրայ տարաբախտ մարդիկը բառին բուն նշանակութեամբ փշրուած, ջախջախուած ըլլալու էին : Չորս կողմը կը բարձրանային ո՛չ շատ բարձր մացառներ : Վարպետը անոնց իւրաքանչիւրին ետեւէն անցաւ և գետինը քննեց ու շագրութեամբ : Շատ հաւանական կը գտնէր որ յանցաւորները երկու հողի եղած ըլլային : Մէկը նենգօրէն կը հրէր զօ՛ր ետեւի կողմէն ու անջրպետին մէջ կը դանավիծէր և միւսը վարը կը կենար և դիակը շուտով կը կողոպտէր : Յետոյ կը փախչէր ու մեղսակիցին կը միանար :

Եւ իրաւ, զազանի ոստիկանին վարժ աչքը մացառներէն մէկուն ետեւը խիստ որոշ կերպով տեսնուելիք նեղքեր գտաւ : Այս տեղ հողը աւազուտ էր աւելի : Կարգ մը նշաններ կը ցուցնէին թէ մարդ մը բաւական ատեն տարածուած մնացած էր աւազին վրայ : Վարպետը նոյն իսկ խիստ որոշ կերպով տեսաւ երկու արմուկներու թողած նշանը :

Դիւրին էր հետեւցնել պակէ թէ այդ մարդը փոքին վրայ պառկած, երկու արմուկներուն կրթնած և լրտեսած էր, մացառին ետեւը պահուրտելով : Բայց հազիւ թէ դիակը լեռան ստորտը դանավիծած, այդ մարդը մէկ ոստումով ելած էր, մացառին շուրջը դառնալու ժամանակ իսկ ունեցած չէր ու մէջտեղէն անցած էր, ինչպէս կը վկայէին բազմաթիւ կտորած ճիւղեր : Այս զննութիւնները կատարելէ ետք, Փինքէրթըն լեռան կատարը տանող արահետը զնայ և արագ արագ ուղղուեցաւ դէպ ի ժայռին գազաթը : Քալած ատեն խնամքով կը դիտէր չորս կողմը, բայց մասնաւոր բան մը չտեսաւ : Շուտով հասաւ գազաթը և կրցաւ հաստատել թէ տեսարանը հիանալի գեղեցկութիւն մը ունէր : Այդ ժայռը, որուն եղերական անուն մը տուած էր ժողովուրդը, ճշմարտապէս արժանի էր որ բազմաթիւ գրօտաշրջիկներ այցելութեան դային :

ժայռին կատարը կը կազմէր նեղ սարահարթ մը, ուր շատ քիչ թիւով անձեր միայն կրնային կենալ միեւնոյն ատեն: Գաղանի ոստիկանը անմիջապէս տեսաւ որ Հինթընի քաղաքապետութիւնը, որ պարտաւոր էր սակայն հետաքրքրուիլ այս վայրով, քանի որ ապահովապէս կ'օգտուէր անոր հրապուրած օտարականներուն բազմութենէն, մտքէ իսկ անցուցած չէր վանդակապատ մը հաստատել արեւելեան զառիթափին վրայ բացուող անդունդին առջև:

Ինքնիրեն որոշեց այս պակասը զգացնել իշխանութիւններուն: Եթէ վանդակապատ մը գտնուած ըլլար, խորհրդաւոր մարդասպանը, որ անշուշտ այս տեղը ընտրած էր իր գոհերուն ետեւը սպասելու և գանոնք պարագութեան մէջ նետելու համար, պիտի չկրնար այսչափ դիւրաւ գլուխ հանել իր ոճիրներուն շարքը:

Գաղանի ոստիկանը առաջին անգամ չգտաւ նեղ ճամբուն վերի բերանը, որուն խօսքը ըրած էր քննիչը: Սակայն քանի մը վայրկեան փնտռելուն պէս երեւան հանեց:

Լերան կատարը, հիւսիսակողմին վրայ, ժայռերու քանի մը հսկայ գանդուածներ կուտակուած էին իրարու վրայ: Անշուշտ կար նեղ բացուածք մը, որ տեսակ մը մթին անցք կամ ծխնելոյզ մը կը կազմէր և ուրկէ մարդ մը կրնար դիւրաւ անցնիլ:

Վարպետը ոտքերուն և ձեռքերուն օգնութեամբ մտաւ այդ բացուածքին մէջ և անցքին ծայրը ուղղահայեաց կերպով իջնող ճամբան նշմարեց: ժայռին կողին մէջ տեսակ մը պատուածք էր անիկա, որ մինչև ստորտը կ'իջնէր և որմէ վարժ մաղցող մը կրնար վեր ելլել առանց մեծ դժուարութեան: Նախ ֆինքէրթըն առաջին ակնարկով հասկցաւ թէ մէկը քանիցս վեր ելած ըլլալու էր հոնկէ: Նոյն իսկ քարի խիտ թարմ կտորուածներ կը ցուցնէին թէ վերջին վերելքը մօտ ատենի գործ էր:

Վարպետը երկու ժամի մօտ մնաց ամէն կողմ պրպտելով: Կէս օրը անցած էր երբ որոշեց իջնել: Չէր կրցած մասնաւոր բան մը գտնել և այժմ կը մտադրէր երթալ այն պանդոկը, որ լերան ստորտը կը գտնուէր:

Շատ կարելի կը գտնէր որ այդ պանդոկը յաճախակի

ընդունէր մարդասպաններուն այցելութիւնը: Արդարեւ հոն էր որ զբօսաշրջիկները սովոր էին մտնել և հանգիստ ընել վերելքի սկսելէ առաջ: Հետեւաբար դիւրին էր գանոնք դիտել և անոնց ընթացքէն հասկնալ թէ հարուստ էին և շատ դրամ ունէին իրենց վրայ:

Գաղանի ոստիկանը շուտով հասաւ դաշտին մէջ, դարձեալ ընդարձակ շրջան մը ըրաւ և մեծ ճամբան ելլելով ուղղուեցաւ պանդոկ, որպէս թէ ուղղակի քաղաքէն կուգար:

Պանդոկը շատ պարզ, միայնակ շէնք մըն էր, քարաշէն ու փայտաշէն: Դրան առջև մեծ թիւով սեղաններ և նստարաններ դրուած էին, բայց Նախ ֆինքէրթըն նախամեծար սեպեց սրահ մտնել: Հոն կը գտնուէին 5—6 յաճախորդներ: Կ'երեւի թէ մօտակայ գիւղացիներէն էին: Պանդոկապետը կարծահասակ, սեւ մօրուքով մարդ մը, կաշիէ սոսնամաններ հագած էր: Հաշուեսեղանին ետեւը կեցած էր, մինչ ուրիշ մարդ մը, նրբամարմին և անպիս անմօրուս դէմքով, յաճախորդներուն կը ծառայէր:

Գաղանի ոստիկանը հարուստ մարդոց անփոյթ գէմքը առաւ և ուղղուեցաւ դէպի սեղան մը, որուն առջև նստաւ:

Սպասաւորը, որ անոր ներս մտած պահուն արագ ակնարկով մը դիտած էր զինք, փուսկոտութեամբ վազեց և հարցուց թէ ի՞նչ կը փափաքէր:

— Շիշ մը գինի, աղէկ տեսակէն, ըսաւ ֆինքէրթըն: Սպասաւորը անհետացաւ և պանդոկապետը մօտեցաւ սիրուն ժպիտով մը:

— Տեղացի չէ՞ք, պարոն, հարցուց անոր:

— Ո՛չ, Կրինպայի լեռներուն մէջ զբօսական պայտաներ ընելու եկած եմ:

— Շատ լաւ: Եթէ առաջնորդի մը պէտք ունիք... Փինքէրթըն մերժելու շարժում մը ըրաւ:

— Ո՛չ, անօգուտ է, ըսաւ: Տրուիչը ինձի համար յանձնարարեալ նամակ մը բերա՞ւ:

— Ո՛չ, մինչև հիմա չբերաւ:

— Մեծագու՞մար դրամի կ'սպասե՞մ և Հինթընի թղթատան պատուիրած եմ որ նամակը հոս, ձեր պանդոկը զրկեն:

Ուստի եթէ ցրուիչը Մր. ձօն ձէքսընի անուան նամակ մը բերէ, ինծի զրկեցէք:

— Շատ աղէկ, ըսաւ պանդոկապետը: Անշուշտ մեծ գումարի մը կ'սպասէք:

— Օ'հ, այո': Երբ վրաս շատ դրամ չունենամ, հանդիստ չեմ ըլլար: Կը վախնամ որ բան մը կուզայ զլիսուս:

— Շատ իրաւունք ունիք: Եթէ ես ալ հարուստ ըլլայի, ձեզի սէս կ'ընէի, պատասխանեց Սէմ Ուորվիք:

Սպասաւորը շիշ մը դինին բերաւ և փինքէրթըն հարիւր տոլարնոց պանքտոմս մը տուաւ: Վրադիրքէն լեցուն պարգեւ մը յատկացուց սպասաւորին:

Քաղանի ոստիկանը յետոյ ճոխ կերակուրներ բերել տուաւ, իւրաքանչիւր պնակին համար զատ զատ վճարեց և ամէն անդամուն առատ պարգեւ մը տուաւ, իր հարստութեանը վրայ բարձր գաղափար մը ներշնչելու համար հոն դանուող բոլոր անձերուն: Աւելորդ է ըսել թէ, առանց յայտնի ընելու, ուշադրութեամբ կը դիտէր բոլոր յաճախորդները. բայց չտեսաւ մէկը, որ կասկածելի երեւար իրեն:

Ամենքն ալ բարի և բոլորովին անվնաս մարդիկ կ'երեւային: Եւ արդէն, շատ չանցած, իրարու հետեւէ մեկնեցան:

Փինքէրթըն պանդոկապետին մասին թեթեւ կասկած մը ունեցած էր տեսնելով որ անիկա կը հարցնէր իրեն թէ խոշոր գումարի՞ մը կ'սպասէր: Ուստի աչքէ չկորսնցուց թէ՛ դանիկա և թէ սպասաւորը: Բայց երկու մարդիկը համաձայն ըլլալու երեւոյթը չունէին բնաւ և վարպետը անոնց ընթացքին մէջ չնշմարեց բան մը, որ իր կասկածները հաստատելու հանգամանքը ունենար: Բայց երբ փինքէրթըն կը կասկածէր, դիւրին չէր իր այդ տպաւորութիւնը փարատել: Ինքնիրենը ըսաւ թէ պանդոկապետը կրնար խորամանկ շարագործ մը ըլլալ, որ ամենամեծ զգուշութիւններով միայն ի գործ կը դնէր իր ոճիրները: Ժայռին շատ մօտը կը ընակէր: Կրնար քիչ ժամանակուան մէջ պանդոկէն դուրս ելլել, վեր բարձրանալ և դարձեալ պանդոկ դառնալ: Միւս կողմէ ուրիշ ո՛ր և է մէկէ աւելի աղէկ կրնար գիտնալ յաճախորդներուն վիճակը:

Երբ անոնք պանդոկին մէջ իրենց խմածին ու կերածին դրամը կը վճարէին, սպասաւորը դիւրաւ կրնար տեսնել թէ անոնք շատ դրամ ունէին իրենց վրայ: Ուստի հարկ էր աղէկ հսկել այդ Ուորվիքին և անոր սպասաւորին վրայ:

Կէս օրը անցած էր և գաղանի ոստիկանը շատոնց աւարտած էր իր ճաշը: Պանդոկապետը եկաւ իր մօտը նստաւ և հարցուց թէ մտադի՞ր էր ցորեկը պտոյտ մը ևս ընել լեբան մէջ:

— Այո', ըսաւ փինքէրթըն: Կ'ուզէի հոս մօտը գտնուած ժայռին իրայ ելլել: Յայտնի է թէ հիանալի տեսարան մը կը պարզուի հոն:

— Եւ եթէ այդ միջոցին ցրուիչը գա՞յ:
— Պիտի սպասէ: Եթէ իրեն ըսէք թէ լեցուն պարգեւ մը կայ, սիրով կ'սպասէ:

— Անշուշտ: Սակայն խորհուրդ կուտամ ձեզի որ այդ վերելքը վաղ առտուան ձգէք: Ժայռին գագաթէն դիտուած արեւին ծագումը շատ հիանալի է:

— Այդ պարագային արգելք մը չկայ որ վաղ առտու ելլեմ: Քաղաքին մէջ ինծի պատմեցին թէ այս լեւը տեսակ մը խորհրդաւոր հրատոյր ի գործ կը դնէ մարդոց վրայ, որոնք կ'ուզեն իրենց կեանքը վերջացնել: Ծի՞շտ է:

— Աւա՛ղ, այո', շատ ցաւալի է, բայց կարելի չէ բան մը ընել: Նոյն իսկ մարդեր կան, որ շատ հեռու տեղերէ մինչեւ հոս կուզան անձնասպան ըլլալու համար:

— Յիմարութիւն է: Կրնային իրենց տեղը մնալ և գնդակ մը միտել իրենց գլուխին մէջ, Արդիւնքը միեւնոյնը պիտի ըլլար:

— Օ'հ, գնդակը կրնայ վրիպիլ կամ միմիայն վիրաւորել, ըսաւ պանդոկապետը ժպտելով: Ընդհակառակը ժայռին գագաթէն ինքզինքը վար նետողը վստահ է մեռնելուն վրայ:

— Իրաւունք ունիք: Ինծի ըսին թէ տակաւին երէկ անձնասպանութիւն մը գործուած էր:

— Այո', Նիւ Եօրքցի հարուստ պարոն մը:
— Զինքը տեսա՞ք:

— Այո՛ : Վեր ելլելէ առաջ հոս մտաւ :

— Կարելի չէ՛ : Եւ ի՞նչ տպաւորութիւն գործեց ձեր վրայ :

— Շատ հանդարտ և շատ լուրջ կ'երեւար : Սրահին մէջ միտ մինակ էր : Սա անկիւնը նստաւ ու սկսաւ իր ակնարկը հետուն սեւեռել, որպէս թէ մեծ վիշտ մը ունեցած ըլլար : Դուրս ելած ատենը նոյն իսկ սա խօսքերը ըրի սպասաւորիս . «Ահաւասիկ մէկը, որ անձնասպանութեան թեկնածու կ'երևայ» :

Յանկարծ դուրսէն լսուեցաւ երկանիւրի մը զանգակը : Քիչ մը ետք դուռը բացուեցաւ և ցրուիչ մը ներս մանելով հարցուց .

— Մը . ձօն ձէքսըն հո՞ս է :

— Ե՛ս եմ : Ա՛հ, վերաջտէս նամակս եկաւ :

Յրուիչը, երիտասարդ տղայ մը, յաւաջացաւ եւ վարպետին յանձնեց խոշոր նամակ մը, որ կարմիր կնքամամի քանի մը դրոշմներով ծածկուած էր և զոր Փինքէրթըն առաւ ակներեւ գոհունակութիւնով մը : Յիսուն տղարի պարգեւ մը առաւ ցրուիչին, որ շնորհակալութիւն յայտնեց ամենաշերմ ուրախութիւններով :

Յետոյ, ուրիշքի մը խմելէ ետք, պանդոկէն դուրս ելաւ, երկանիւրը նստաւ և Հինթընի ճամբան բռնեց :

Փինքէրթըն, կարծեցեալ նամակը զբոսանը դնելով ռսաւ .

— Ահաւասիկ քանի մը ամսուան համար պէտք եղած դրամը ունիմ դարձեալ :

Սէմիւրը Ուորվիք հաշիւ ակնարկ մը ձգած էր իր յաճախորդին կողմը, մինչ անիկա նամակը կ'ստանար : Սակայն, հակառակ իր կեղծած անտարբեր երեւոյթին, Փինքէրթընի անանկ եկաւ թէ հետաքրքրութիւն մը կար անոր դէմքին վրայ :

Վերջալոյսին մօտ էր երբ վարպետը ոտքի ելաւ :

— Ես վեր պիտի ելլեմ, ըսաւ : Հօնկէ դիտուած մայրամուտը գրէթէ նոյնչափ գեղեցիկ պիտի ըլլայ որչափ արեւածագը :

— Անշուշտ, հաստատեց պանդոկապետը փութկոտու-

թեամբ : Եւ յետոյ, վերը, օրուան ամէն ժամուն տեսարանը գեղեցիկ է :

— Լաւ : Գիշերուան համար սենեակ մը կրնամ ունենալ օ այնպէս չէ՛ :

— Ձեր տրամադրութեան տակ է, պարոն :

Պանդոկապետը ետեւի կողմի դուռնէ մը դուրս ելաւ և մինչ Փինքէրթըն հաշուեկոշանին վրայ դաւաթ մը ուխաքէ ևս բերել կուտար սպասաւորին :

Գանի մը խօսք փոխանակեց անոր հետ, յետոյ դուրս ելաւ պանդոկէն և մութին մէջ անհետացաւ :

Դէպի ժայռը գացած ատեն կը խորհրդածէր :

— Այդ պանդոկապետին ընթացքին մէջ բան մը կայ, որ կասկածելի կ'երեւայ ինձի, ըսաւ ինքնիրեն, կարելի է որ արդէն մեկնած է պանդոկէն և ինձի կ'սպասէ ժայռին գաղաթը : Ամէն պարագայի մէջ, մինչեւ որ չգիտնամ թէ ի՞նչպէս անակնկալի կը բերէ իր զոհերը, նախապատիւ կը սեպեմ ծխեւոյզէն ելլել : Ինձի անանկ կուգայ որ վերը պիտի գտնեմ զայն, փոքր ներքնուղիին մէջ, ժայռերու կոյտին տակ :

Գաղտնի ոտտիկանը, ստուգելէ ետք թէ զինքը լրտեսող չկար, ժայռին շրջանը ըրաւ արագօրէն, մինչեւ որ հասաւ ծխեւոյզին կեդրոնը :

ԱՆԱԿՆԿԱԼ ՄԸ

Վերելքի ձեռնարկելէն առաջ, Նաթ Փինքէրթըն զգեստին գրպանէն հանեց կնքուած նամակը և մէկ կողմէն պատուելով բացաւ զայն : Պահարանին մէջ հին լրագիրներ միայն կային : Բայց մէջտեղը կը գտնուէր պղտիկ տոմսակ մը, որուն վրայ վարպետը կրցաւ կարգալ հետեւեալ տողերը :

«Այսօր, կէս օրէ ետք, Հինթըն հասաւ անգլիացի Լօրտ մը, իր ամուսինին հետ : Երկիրնի պանդոկը իջան, քայց մտադիր են առտուան ժամը երկուքին մեկնիլ ճիշդ

Պամանակին Մահուան ժայռը հասնելու և արեւածաղը դիտելու համար:

«Ապահովապէս ժամը 3ը քիչ մը անցած հոն պիտի ըլլան: Մեր մարդը լսեր է անոնց ըսելը թէ վեր ելլելէ առաջ հանդիստ պիտի ընեն Սէմ Ուօրվիքի պանդոկին մէջ»:

Կարդալէ վերջ, Փինքէրթըն նամակը և տոմսակը զըրայանը դրաւ նորէն:

— Ամէն բան կարգին է, ըսաւ: Եթէ չյաջողիմ այս քրիկուն իսկ դիմակազերծ ընել աւաղակները, ապահովապէս վաղ առտու պիտի ընեմ: Անգլիացի Լօրտերը միշտ շատ դրամ կ'ունենան իրենց վրայ ու այդ թշուառականները անշուշտ պիտի ուզեն յափշտակել այդ դրամը: Է՛ ուրեմն, այսուհետեւ այդ «անձնասպանութիւնները» տեղի պիտի չունենան Մահուան ժայռին վրայ:

Այն ատեն վարպետը սկսաւ վերելքի, ճարտար մազլցողի մը ամբողջ տաղանդը ցոյց տալով: Մունգերուն շնորհիկամաց կամաց բարձրացաւ նեղ ծինելոյզէն, հոգ տանելով որ քար մը չգլտորի ոտքերուն տակ, վասն զի մինչեւ վար իջնալով անոր հանելիք ազմուկը պիտի մատնէր զինքը:

Քանի մը վայրկեան ետք զգլտի բարձրութեան մը վրայ կը գտուէր արդէն:

Ատրճանակը զգեստին առջեւի զրպանը դրած էր և շարունակ վեր կը նայէր: Արդարև եթէ մարդասպաններէն մէկուն դէմքը տեսնուէր հոն, վերը, կը վախցուէր որ թշուառականը կը փորձէր վար ձգել զինք, խոշոր քար մը նետելով ծինելոյզին մէջ: Վարպետը ամէն բանէ առաջ առկէ խուսափիլ կ'ուզէր: Ուստի ազէկ մը որոշած էր որ եթէ վերէն երեւալիք մահիւրուն դէմքը քիչ մը կասկածելի թուէր իրեն, առանց բոպէ մը կորսնցնելու կրակ պիտի ընէր անոր վրայ: Գաղտնի ոտտիկանին զրութիւնը կրկնապէս վաանդաւոր էր ուրեմն: Նախ՝ վասն զի վերելքը ինքնին շատ վտանգաւոր էր և երկրորդ՝ վասն զի մարդասպանները, եթէ ժայռին գաղաթը կը գտնուէին, կրնային քիչ մը ճարտարութիւն ցոյց տալով ծինելոյզին խորը գահավիժել զինք:

Իսոյ փինքէրթըն ա՛յնքան ճարտարութեամբ կը մաղթէր

որ ամենապզտիկ ազմուկ մը իսկ չէր հաներ: Այսու հանդերձ սփոփանցի հառաչ մը արձակեց ծինելոյզին ծայրը հասնելով: Գլուխը զգուշութեամբ երկնցուց վերի եզերքին վրայէն և նայեցաւ նեղ փապուղիին մէջ, որ ժայռերու կոյտին տակէն անցնելով, Մահուան ժայռին կատարը կ'առաջնորդէր: Քիչ մնաց որ զարմանքէն պիտի պոռար:

Փապուղիին մէջ մարդ մը փռուած էր գետինը և ուշադրութեամբ կը դիտէր ժայռին նեղ հարթավայրը, որուն վրայ վայրկեանէ վայրկեան կ'սպասէր տեսնել օտար զբօսաչափիկին ժամանումը: Այն ատեն փինքէրթըն ոտքի ելաւ և փապուղիին մէջ մտաւ: Յետոյ բարձր ձայնով ըսաւ.

— Սա՛ նայէ, կարծես թէ մէկը արդէն ինձմէ՛ առաջ ելեր է ծինելոյզէն:

Սարսափի ազաղակ մը լսուեցաւ: Գետին վրայ պառկած մարդը ետին դարձաւ: Յետոյ, փապուղիէն դուրս սարդելով, վաղեց ժայռին հարթավայրին վրայ:

Փինքէրթըն անոր հետեւեցաւ ու ճանչցաւ... պանդոկապետ Սէմիւրը Ուօրվիքը:

Պանդոկապետին դէմքը հաճելի բան մը չունէր: Սակայն ճիգ մը ըրաւ ժպտելու համար:

— Ի՛նչ. Մր. ձէքսըն, դո՛ւք էք, ըսաւ: Ահաւասիկ անակնկալ մը:

— Ի՛նչ, անակնկալ, հարցուց գաղտնի ոտտիկանը:
— Համարձակեր էք ծինելոյզէն ելլել: Այդ շամբան ո՞վ սովրեցուց ձեզի:

— Քաղաքին մէջ, Եունիընի պանդոկը խօսեցան, ես հոն լսեցի, պատասխանեց փինքէրթըն: Պէտք է ըսեմ ձեզի՛ Մր. Ուօրվիք, թէ ես առաջին կարգի մազլցող մըն եմ: Ես Ալպեան լեռները ելած եմ և այնպիսի ծինելոյզէ մը ելլելը ինձի համար տղու խաղ մըն է: Դո՛ւք ալ ծինելոյզէն ելաք:

— Այո՛, պատասխանեց Ուօրվիք: Ես միշտ հոնկէ կ'անցնիմ երբ այս ժայռին վրայ ելլելու փափաք ունենամ: Միայն թէ, վերի կողմը հասած ատենս քիչ մը յոգնած դգասի ինքզինքս: Ես ձեզի պէս վարժուած չեմ վերելքներու, զորս քիչ անգամ կը կատարեմ: Ասոր համար, այսինքն հանգիստ ընելու համար է որ վայրկեան մը պառկած մնացած էի ժայռերու կոյտին տակ գտնուած պզտիկ ներքնուղիին մէջ:

— Ա՛հ, ա՛հ, ամէն բան կը բացատրուի: Բայց վարը: պանդոկին մէջ ինչո՞ւ չըսիք թէ դո՛ւք ալ վեր ելլել կ'ուզէիք, հարցուց Փինքէրթըն: Վերելքը միտին կ'ընէինք:

Գաղտնի ոտիկանը որոշապէս տեսաւ թէ այս հարցումը ի՛նչ արտնդու թիւն պատճառեց Ուորվիքի, թէև անիկա ամէն շանք կ'ընէր որ յայտնի չըլլայ:

— Բայց... եթէ գիտնայի թէ կ'ուզէիք ծխնելոյդէն վեր ելլել, բնականաբար դիտաւորութիւնս պիտի հաղորդէի ձեզի: Ընդհակառակը ենթադրեցի թէ պիտի ընտրէիք աւելի հանգստաւէտ և նուազ վտանգաւոր ճամբան, որուն կը հետեւին բոլոր զբօսաշրջիկները և միտքս դրած էի պզտիկ անակնկալ մը պատճառել ձեզի, ամէնէն առաջ հոս հասնելով, քանի որ ձեր առջեւէն վեր ելլելս պիտի չտեսնէիք:

Գաղտնի ոտիկանը սկսաւ խնդալ:

— Ատիկա աղւոր գաղափար մըն էր, թէև չյաջողեցաւ: Ձեր բարի դիտաւորութիւնները կ'ընդունիմ դարձեալ և շնորհակալութիւնս կը յայտնեմ:

Գահավէժին եզերքը յառաջացաւ, բայց հոգ տանելու աչքէ չհեռացնէ պանդոկապետը: Շատ լաւ նշմարեց Ուորվիք ալ իր կողմէ զինքը կը դիտէր գաղտագողի: Կ'արձեռն թէ նպատաւոր առիթի կը սպասէր օտարականը անդունդին մէջ զլտորելու համար:

— Իբրաւ տեսարանը սքանչելի է հոս, ըսաւ վարպետը հանդարտ ձայնով մը: Վերջալոյսը բոլորովին տիրած է և հովիտը լեցուած է իրիկուան մշուշով: Տարօրինակ տպաւորութիւն մը կ'ընէ տեսքը այդ բոլոր գորշագոյն զանգուածներուն, սրո՞ք տեսակ մը հակահասանքներէ կը շարժին:

— Այո՛, ըսաւ Սէմիւրը Ուորվիք խապտ ձայնով մը: Իբրաւ շատ գեղեցիկ է: Քիչ մը ծոցեք եզերքէն և դիտեցէք ձեր ոտքերուն տակ բացուող գահավէժը: Այն ատեն է որ ձեր տակը ալեծուփ և վէտվէտուն ծով մը տեսնելու տպաւորութիւնը պիտի ունենաք ճշմարտապէս:

Փինքէրթըն դուրսը երերցուց և քայլ մը նախնջեց ակամայ:

— Ո՛չ, ըսաւ, աւելի աղէկ կը սեպեմ չփորձել: Ես

զլիտ պտոյտ ունիմ: Ուստի երբ լեռնէ մը մագլցիմ, պէտք է որ միշտ զգուշանամ վար նայելէ, ապա թէ ոչ զլիտ պտոյտ կ'ունենամ և անդունդին մէջ կ'իյնամ: Ասոր համար է որ միշտ վեր կը նայիմ:

— Ա՛հ, այն ատեն խնդիրը կը փոխուի: Բայց կ'ապահովցնեմ ձեզ թէ կը կորսնցնէք տեսարան մը, որ քիչ մը զլիտ պտոյտ ունենալու նեղութիւնը կ'արժէ ստուգիւ: Մի՛ վախնաք, ծոցեք, ես կը բռնեմ ձեզ:

Այս խօսքերը բսելով, Ուորվիք Փինքէրթընի մօտեցած էր, բայց գաղտնի ոտիկանէն ընդունեց կռուփի ա՛յնպիսի հարուած մը որ երերալով ընկրկեցաւ և քիչ մնաց որ կռնակի վրայ իյնար:

— Ո՛չ, ըսաւ վարպետը աճապարանքով և ամենաբուռն սարսափ կեղծելով, հանդարտ ձգեցէք զիս, Ձեմ սիրեր այն կատակները, ուր մարդ իր կեանքը կը վտանդէ: Դուք ձեր ուղածին չափ նայեցէք անդունդին մէջ, հոգս չէ, բայց ես չեմ նայիր: Եթէ զլիտ պտոյտը սկսի, պիտի չկրնաք բռնել զիս և ի վերջոյ երկուքս ալ վար պիտի իյնանք:

Պանդոկապետը սկսաւ խնդալ բայց ակամայ:

— Խելք մըն ալ ա՛դ է, շատ վախկոտ էք, պարտն:

— Այո՛, վախկոտ եմ:

— Այդ պայմաններուն մէջ շատ կը զարմանամ որ ծխնելոյդէն վեր ելած էք:

— Օ՛հ, վեր ելլելը կ'եւեմ, բայց վար իջնելու համար բնական է որ պիտի անցնիմ սովորական ճամբէն, որ շատ աւելի հանգստաւէտ է:

— Ի՛նչպէս, չէ՞ք ուզեր միևնոյն ճամբէն դառնալ: Ուրեմն դուք զբօսախաղի մարդ չէք և ձեր հոչակաւոր վերելքները սուտորուց բաներ են: Եւ դեռ կ'ըսէք ինծի թէ Ալպեան լեռները ելած էք: Ձեմ հաւատար:

Փինքէրթըն վերէն վար չափեց պանդոկապետը արժանապատուութիւնը վիրաւորուած մարդու մը երեւոյթով: Յետոյ ըսաւ խորիտ շեշտով մը.

— Կ'ուզէք հաւատացէք կ'ուզէք մի՛ հաւատաք: Ինծի համար կարեւորութիւն չունի, եւ նախ՝ ձեզի վերաբերած քան մը չէ:

— Ներեցէք, ըսաւ պանդոկապետը, միտքս ձեզ նախատեալ չէր: Ադ ըսել չուզեցի:

— Փոյթս չէ թէ ի՛նչ ըսել ուզեցիք: Եւ հիմա լուեցէք: Ձեզ ուզեր այլևս խօսիլ ձեզի հետ: Ձեր պանդոկին մէջ պիտի չբնակիմ: Անմիջապէս Հինթըն պիտի դառնամ և այս գիշեր իսկ պիտի մեկնիմ: Սր մը իսկ պիտի չմնամ այնպիսի տեղ մը, ուր մարդիկ այսչափ անքաղաքավար են:

Այսպէս խօսելով, ուղղուեցաւ դէպ ի նեղ արահետը, որ լերան հարաւային դառիթափին քովէն կ'անցնէր և կ'իջնէր հովտին մէջ: Պանդոկապետը անոր մօտ վազեց:

— Մի՛ բարկանաք ինձի դէմ, ըսաւ: Ձեզ վիրաւորելու մտադրութիւն չունէի:

— Թողէք որ անցնիմ, շո՛ւտ: Այլ ևս չեմ ուզեր գործ ունենալ ձեզի հետ:

Պանդոկապետը կարծես թէ ընթացքը փոխել ուզեց: Անշուշտ մտածեց վէճ մը յարուցանել, որմէ պիտի օգտուէր, իր հակառակորդը անդունդին մէջ գլտորելու համար:

Ուստի ճամբան կտրեց Փինքէրթընի, որ անմիջապէս հասկցաւ Ուօրվիքի դիտաւորութիւնը: Պանդոկապետին դէմքը դայրոյթէն կծկուած էր: Վարպետին երեսը նայեցաւ և պտռաց:

— Ի՛նչ է ձեր այս բրածը: Եթէ շարունակէք այդ լիրբ շեշտով խօսիլ ինձի հետ: ձեր դասը պիտի տամ:

Փինքէրթըն շտկուեցաւ:

— Կ'ուզէ՞ք թողուլ որ անցնիմ, այո՛ կամ ո՛չ, հարցուց խիստ ձայնով մը:

Նոյն միջոցին պանդոկապետը անոր օձիքէն բռնեց և ջանաց դէպ անդունդը քաշել զայն:

— Ո՛չ, ըսաւ: Նախ կ'ուզեմ ձեր դասը տալ: Ա՛հ, կը կարծէք թէ օտարականներ կրնա՞ն այսպէս մեր քաղաքը գալ և իրենց ուզածին պէս վարուիլ մեզի հետ:

— Թողէ՛ք զիս, ըսաւ Փինքէրթըն, որ ապառաժի մը պէս անշարժ կեցած էր:

— Ո՛չ, կ'ուզեմ...

Չկրցաւ աւելի բան մը ըսել, վասնզի նոյն վայրկեանին

իր հակառակորդէն ընդունեց կռուփի քանի մը ա՛յնչափ բուռն հարուածներ որ գլխիվայր ինկաւ և հողին վրայ փռուեցաւ մնաց, առանց շարժում մը ընելու:

Նաթ Փինքէրթըն արձամարհալից ակնարկ մը ձգեց անոր վրայ: Յետոյ սկսաւ իջնել այն հաստաուէտ ճամբէն, զոր կը գործածէին զբօսաշրջիկները:

— Սպասեցէք, թշուառակա՛ն, կը մրմուար դաղտնի ոտափկանը, ճամբան գացած ատեն: Ես իմ վրաս կ'առնեմ ձեր շահատակութիւններուն վերջ մը տալու պաշտօնը: Կը յուսամ թէ անգլիացի Լօրտը ձեզ հոն պիտի տանի իրեն հետ ու այն ատեն ձեր հաշիւը պիտի կարգադրուի:

Փինքէրթըն ժայռին ստորտը հասնելուն պէս ծռեցաւ ու յառաջացաւ, հոգ տանելով կիսովին ծռած մնալու, լեռը շրջապատող թաւուտներուն մէջտեղ, այսպէս մօտենալով արեւելեան դառիթափին: Թաւուտէ թաւուտ սպրդեցաւ անաղձուկ և վերջապէս հասաւ խիստ մօտը այն թաւուտին, որուն ետեւ հեաքեր գտած էր ցորեկին:

Տեսաւ ինչ որ կը սպասէր տեսնել: Մարդ մը ամբողջ հասակովը տարածուած էր հողին վրայ և լերան կատարը կ'դիտէր ուշադրութեամբ: Նաթ Փինքէրթըն բոլորովին ծածկուած էր, այնպէս որ յարաձուռ մթութե ան հետեւանքով ամէնէն վարժ աչքն իսկ պիտի չկրնար նշմարել զայն:

Կաղտնի ոտափկանը այսպէս կէս ժամ մնաց իր դիտարանին մէջ: Այս միջոցին բան մը չպատահեցաւ:

Յետոյ կիսաձայն կոչ մը լսեց:

— Տէյվիտ Սօլմ, է՛, հոն՛ վա՛րը:

Թաւուտին ետեւ ծածկուած մարդը շտկուեցաւ:

— Հոս եմ, պատասխանեց: Դո՛ւք էք, Ուօրվիք:

— Այո՛:

Թաւուտներուն մէջէն աղձուկ ելաւ: Մոայլ կերպարանք մը երեւցաւ: Երկրորդ անձը, որուն ձայնէն ճանչցած էր վարպետը և հասկցած էր թէ անիկա պանդոկին սպասաւորն էր, հիմա ոտքի ելած էր: Ուօրվիք անոր մօտը դնաց:

— Ի՛նչ կայ ուրեմն, հարցուց Սօլմ ցած ձայնով: Սպասեցի ու սպասեցի, բայց բան մը չտեսայ:

— Այո՛, ըսաւ Ուօրվիք, ահաաները կճրտելով: Երեւակայեցէք որ մեր մարդը ծխելու զէն մագլցեցաւ և անակնկալի բերաւ զիս, մինչ պառկած էի ներքնուղիին մէջ:

— Չա՛ր սատանայ, մուտաց սպասաւորը:

— Յետոյ իջաւ արահետէն և ուղղակի Հինթըն դարձաւ կառախուժը նստելու համար:

— Ըսել է թէ վերը բան մը չկրցա՛ք ընել:

— Ո՛չ: Ամէն բան փորձեցի, նոյն խկ կռիւ յարուցիլ բայց զետինը գլտորեցայ զէշ կերպով: Այդ անասունը կափամարտութեան մէջ շատ վարպետ է:

— Ուրեմն ընելի՛ք բան մը չկայ, դորձը վրիպեցաւ: Ահա այսչափ: Թերեւս շուտով փոխարինութիւն մը պիտի ունենանք:

Երկու մարդիկը հեռացան պանդոկին ուղղութեամբ և Փինքէրթըն չկրցաւ լսել խօսակցութեան վերջին մասը:

Նախ հօղին վրայ երկնցած մնաց: Յետոյ երբ անոնք հեռացան, ոտքի ելաւ և անոնց ետեւէն գնաց:

Դ Ի Մ Ա Կ Ա Ջ Ե Ր Ծ

Տակաւին մուս-մութ էր, բայց արեւելքէն տկար նշոյլ մը կ'երեւար արդէն: Ո՛րք էր ժամ չանցած, ցորեկուան ձաճանչազեղ ասաղը հորիզոնին վրայ պիտի բարձրանար և զիշերուան աղջամուղջը պիտի փարատէր:

Ատառուան այդ ժամուն մէկը զարկաւ Սէմիւրը Ուօրվիքի պանդոկին դրան և էրիկ մարդու ձայն մը պոռաց:

— Է՛յ, պանդոկապետ, բացէ՛ք, կ'աղաչեմ:

Վայրկեան մը ետք ներսէն հարցուցին.

— Ո՞վ է ան:

— Ջրօսաչըլիկներ, որոնք ժայռին վրայ ելլել կ'ուզեն:

Միայն, եթէ անկէ առաջ դաւաթ մը թէյ տալ ուզէք որպէս զի քիչ մը կաղդուրուինք, հաճոյք պիտի պատճառէք մեզի:

— Բայց անշուշտ, պարոն, սիրով:

Իոկոյն լոյս մը վառեցաւ ներսը: Յետոյ պանդոկապետը դուռը բացաւ և զրօսաչըլիկները ներս մտցուց:

Պարոն մը և կին մըն էին, զրօսախաղի վայելուչ տարազներով: Մեծ սրահը մտան պանդոկապետին հետ, որ բարի գալուստի խօսքեր և մեծարանքներ կ'ընէր: Սեզանի մը առջեւ նստան: Սէմիւրը շուտով վառեց սամավարը, որ հաշուեսեղանին վրայ էր: Յետոյ անոնց մօտ գնաց:

Բայց միեւնոյն ատեն, ճամբուն վրայ, մարդ մը կը սպրդէր դէպ ի պանդոկին կողմը:

Նորեկը ահանջ դրաւ և ահնարկ մը նետեց սրահին մէջ:

Նաթ Փինքէրթընն էր, որ պանդոկին մօտերը լսած էր Լօրտին և անոր ամուսինին ժամանումը և որ հիմա կը գտնուէր իր գննարանին մէջ:

— Պարոնը և տիկինը հոս մօտը գտնուած ապառաժը ելլել կ'ուզեն, այնպէս չէ՞, հարցուց պանդոկապետը:

— Այո՛: Կ'երեւայ թէ հոն՝ վերը մարդ ներկայ կը գտնուի հիանալի արեւածագի մը:

— Ճիշտ է: Առաջնորդ մը կ'ուզէ՞ք:

— Անօգուտ է: Մեզի ըսին թէ ճամբան ու է վտանգ չի ներկայացներ և շատ դիւրին կը գտնուի: Մեր ճառանդը Հինթըն ձգեցինք որպէս զի պտոյտը բոլորովին առանձին ընենք:

— Լա՛ւ: Հաճեցէք ներողամիտ ըլլալ անգաղտնապահութեան: Իր գալուստը քանի մը ժամ առաջ ծանուցուած Լօրտ Մըրրիի՛ հետ է որ պատիւ ունիմ խօսելու:

Ստարականը գլուխը երերցուց:

— Ո՛չ, ըսաւ: Ես Լոնտոնցի Լօրտ Քլօվէրսթընն եմ:

Պանդոկապետը կրկնապատկեց քաղաքավարութիւնը և ներում խնդրեց այն հարցումին համար, զոր ընելու յանդըղնութիւնը ունեցած էր: Փինքէրթըն, որ ամբողջ տեսարանին ներկայ գտնուած էր, դժուարութիւն չկրեց թշուառականին դիտաւորութիւնը հասկնալու համար: Անիկա պարզապէս գիտնալ ուզած էր թէ որո՞ւ հետ էր գործը: Լօրտին պատասխանին համեմատ պիտի տեսնէր թէ ընելի՛ք ձեռնարկ մը կա՞ր:

Արդարեւ ներելի չէր տարակուսիլ որ անիկա նոր ոճի մը կը պատրաստէր: Այն պահուն, երբ Ուօրվիք հեռացաւ սեզանէն, որուն առջեւ նստած էին Լօրտը և կինը, սրահ կը մտնէր սպասաւորը, որ սյդ միջոցին ելած էր: Թէ՛յը պատրաստեց և հրամցուց: Անգլիացին անմիջապէս գրպա-

նէն հանեց լեցուն թղթապանակ մը, զոր բացաւ, մինչ սպասաւորը գաղտագողի կը դիտէր զայն:

Կորտը առատօրէն վճարեց և տուաւ լեցուն պարգեւ մը, զոր Տէյվիտ Սօլմ, սպասաւորը, գրպանեց, չգիտնալով թէ ինչպէս յայտնէ իր շնորհակալութիւնը: Վարպետը բաւական բան տեսած էր: Ուստի աւելի չսպասեց: Իր զննարանէն մեկնեցաւ ու պանդոկին շատ մօտը դռնուած թաւաւներուն ետեւ սպրդեցաւ: Հաղիւ թէ հոն ծածկուած էր, տեսաւ որ մարդկային ձեւ մը պանդոկին ետեւէն սպրդեցաւ, յետոյ, թաւաւներուն առջեւէն անցնելով, արագ արագ ուղղուեցաւ Ժայռին կողմը:

Ազանովապէս պանդոկապետն էր, որ ծխնելոյզէն վեր պիտի ելլէր իր զոհերուն սպասելու համար: Ուստի Նաթ Փինքէրթընը զբօսաշրջիկներուն ճամբան ընտրեց վեր ելլելու համար: Արդէն կը դիտէր այն տարտամ կիսալոյսը, որ սովորաբար կը կանխէ արեւածագը: Փինքէրթընը կրցած ինչ չափ շուտ վեր ելաւ, վասն զի կ'ուզէր պանդոկապետէն առաջ հասնիլ Ժայռին վրայ:

Վերջապէս գաղաթը հասաւ քրտնաթոր վիճակի մէջ: Նիւթապէս անկարելի էր որ Սէմիւրը Ուօրվիք իրմէ առաջ եկած ըլլար: Վարպետը անշշուկ մօտեցաւ պղտիկ ներքնուղիին, որ Ժայռերու կոյտերուն տակ կը գտնուէր և զգուշաւոր սկիւարի մը ձգեց հոն: Տակաւին մարդ չկար: Փինքէրթընը յանդգնօրէն ներս մտաւ և առանց ազմուկի մօտենալով ծխնելոյզին բերնին, գլուխը մեղմիւ երկնցուց: Բայց շուտով ետ քաշեց: Իրմէ հազիւ երեք մէդր վար նշմարած էր Ուօրվիքը, որ նեղ անցքին մէջէն կը բարձրանար: Քիչ ժամանակի մէջ այս դժուարին վերելքը կատարելու համար ստուգիւ հարկ էր որ պանդոկապետը առաջնակարգ մագըլցող մը եղած ըլլար: Փինքէրթընը աճապարանքով դուրս ելաւ ներքնուղիէն:

Ամէն բանէ առաջ պէտք էր շնշմարուիլ Անդլիացիին և կնոջը կողմէ, երբ անոնք Ժայռին գաղաթը հասնէին, վասն զի զինքը տեսնելով, ապահովապէս զարմանքի աղաղակ մը պիտի արձակէին, որ ներքնուղիին մէջ պահուած թշուառականին ուշադրութիւնը պիտի հրաւիրէր: Ուստի Փինքէրթընը Ժայռերու կոյտերուն վրայ ելաւ: Անոնք արտաքին կողմէն կը կաղմէին տեսակ մը շատ նեղ ցցուածք, որ կերպով մը անդունդին վրայ կախուած էր: Վարպետը հոն պահուելու եցաւ, այնպէս որ գաղաթէն կարելի չէր նը-

մարել զինքը: Գրպանէն կաշիէ ամուր փոկ մը հանեց և հանգոյց մը շինեց: Որոշած էր զարհուրելի աւազակը բռնել այդ զէնքով, որուն գործածումը ընտանի էր իրեն: Արեւելքէն եկող զեփիւս մը կը ծանուցանէր թէ արեւին ծագումը մօտ էր: Ամենախորին լուսթիւն կը տիրէր, զոր արշալոյսը ողջունելու համար օդին մէջ սաւառնող թռչունի մը ճիշդ միայն կ'ընդհատէր երբեմն:

Նեղ անցքին բերանը ուղղակի կերպով կը գտնուէր այն սպասարի կոյտին ներքեւ, որուն վրայ Փինքէրթընը պահակ կ'սպասէր: Գաղտնի ոտտիկանը անողորմ ժպիտ մը ունեցաւ մտածելով թէ իր տակը, քանի մը մէդր հեռուն պահուրտած ապիրատը, — այն յոռեգոյն ոճրագործներէն մին, որուն երբեք հանդիպած ըլլար իր երկարատեւ ասպարէզին մէջ — բնաւ չէր կասկածեր թէ քանի մը վայրկեանէն պիտի ստանար իր բոլոր ոճիրներուն արժանաւոր վարձատրութիւնը:

Կէս ժամ անցաւ այսպէս լուս սպասումի մը մէջ: Ծիշտ ժամանակ էր որ երկու գրօսաշրջիկները գային, եթէ կ'ուզէին արեւածագին վրայ հիանալ իր բոլոր շքեղութեանը մէջ, վասն զի երկինքը արդէն կ'սկսէր կարմրիլ արեւելքի կողմէն և առնել այն հիանալի գոյնը, որ ճաճանչազեղ աստղին երեւումէն առաջ կը տեսնուի: Յանկարծ արանաւին վրայ ձայներ և խնդուքներ լսուեցան:

— Ծուռով հասանք, Էտկար, ըսաւ նորատի կինը: Ահ, իրաւ որ գեղեցիկ վերելք մըն էր:

— Այո՛, քաջաբար գլուխ հանեցիք զայն, սիրելիս, պատասխանեց երիտասարդ Կորտը գորովալից ձայնով մը:

Վայրկեան մը ետք Փինքէրթընը տեսաւ որ երկու երիտասարդները, որոնք մեղրալուսնի ճամբորդութիւն կատարող ամուլ մըն էին, ոտք դրին Ժայռին գաղաթին վրայ:

— Ահ, տեսէք, պոռաց կինը խկոյն, տեսէք ի՞նչ գեղեցիկ է: Իրաւ որ հոս ելլելը կ'արժէ եղեր: Տեսէք, մշուշը արդէն կ'սկսի հեռանալ հովիտէն և քիչ մը ետքը, երբ արեւը շրջէ գունդի մը պէս երեւայ հորիզոնին վրայ, իր յաղթական ճառագայթները պիտի պատուեն մառախուղի և շողի վարագոյրները, որ տակաւին մեր աչքէն կը ծածկեն կանաչազեղ դաշտերն ու մարգագետինները:

Կորտ Քլէվէրթընը գորովանքով նայեցաւ իր ծաղկատի ամուսինին, որ այնչափ խանդավառութեամբ կը խօսէր բնութեան գեղեցկութիւններուն վրայ:

— Այո՛, հիանալի՛ տեսարան մըն է, ըսաւ Կորտը: Բայց

քիչ մը աւելի մօտեցէք հիւսիսակողմէն: Վախնալու պէտք չունիք, սիրելիս, ես կը բռնեմ ձեզ:

Կինը երկչոտ քայլերով մօտեցաւ և ամուսինին քովը կենալով, դիտեց իր աչքերուն առջեւ պարզուած անծայրածիր անջրպետը և այն պզտիկ ձերմակ ամպերը, որ կ'անցնէին առտուան առաջին լոյսերովը գունաւորուած կապոյտ երկինքին վրայէն: Նաթ Փինքէրթըն իր գտնուած ժայռի կոյտին վրայ կիսովին ելաւ ու կազմ ու պատրաստ գտնուեցաւ փոկը նետելու:

— Լսեցի՞ք, սիրելիս, ինչ որ պատմեցին մեզ Հինթընի պանդօկին մէջ, հարցուց Լօրտը: Կ'երեւայ թէ տարիէ մը ի վեր բազմաթիւ անձեր այս ժայռին բարձունքէն, այսինքն ճիշդ մեր գտնուած տեղէն վար նետուած են: Դժբախտներ էին անոնք որ իրենց կեանքին վերջ տալ ուզեցին:

Կինը սարսուռ մը զգաց:

— Սեղձ մարդիկներ, ըսաւ: Օ՛հ, եկէք, հող չկենանք: Չեմ գիտեր ի՛նչ անձկութիւն մը կը սեղմէ սիրտս մտածելով թէ ա՛յնչափ դժբախտներ կորան մեր ոտքերուն տակ քացուած անուելի դահաւանդին մէջ:

Երկու ամուսինները չտեսան որ մարդ մը անշուշտ դուրս կ'ելէր ժայռերու կոյտին տակ պահուած ծակէն, յետոյ կը շտկուէր, Ոտքի կենալուն պէս մարդը շատ մեղմիւ յառաջացաւ, երկու թեւերը երկնցուց և ոտտում մը ըրաւ դէպ առաջ: Թշուառականը ուզած էր յանկարծ հրել երկու երկաթափայլները, որ կասկած մը չունէին, և անդունդին խորը դլտորել զանոնք:

Բայց ոճրագործը իր զոհերուն չհասած, կաշիէ փոկ մը (գայլը) սուլեց օդին մէջ: Մարդը պարանոցին վրայ զարհուրելի ցնցում մը զգաց, մինչ բան մը կը սեղմէր վիզը և խեղդամահ կ'ընէր: Գաղտնի ոտտիկանին փոկը մաթիմաթիքական ճշդութեամբ հասած էր իր նպատակին և թշուառականը կռնակի վրայ ինչպէս խռպոտ աղաղակ մը արձակելով:

Թշուառականին հողին Փինքէրթընի ձեռքն էր: Գաղտնի ոտտիկանը ժայռերու կոյտին բարձունքէն ցատկեց և ինչպէս ա՛յնչափ բարեբախտութեամբ անկարողութեան մատնուած հակառակորդին քովը: Լօրտ և Լէտի Քլէվէրսթըն ետեւին զարձած էին զարհուրած և իրենց աչքին առջեւ պարզուած անսովոր տեսարանը կը դիտէին: Նախ տեսան զետնին վրայ փռուած և կիսովին խեղդամահ եղած մարդ մը: Յետոյ, վայրկեան մը ետք, ուրիշ մարդ մը եկաւ ձըն-

րադրեց առաջինին քովը, անոր ստքերն ու ձեռքերը կապեց և բերանը գոցեց կաշկանդեց: Գետինը պառկած մարդը իրաւ է թէ յուսահատական դիմադրութիւն մը ըրաւ, բայց ի վիճակի չէր իր հակառակորդին հետ պայքարելու և քիչ ատենէն անկարող եղաւ ամենափոքր շարժում մը ընելու: Կոյր մոլեգնութեան մը ենթակայ ըլլալով, փորձեց կապերը խզել: Յաջողելու համար այնպիսի ճիգեր ըրաւ որ ճակտին երակներուն ուռիլը կը տեսնուէր: Անոնք կարծես թէ պիտի պայթէին: Բայց չուանները աղէկ առկային և բերնագայլը թոյլ չտուաւ որ միակ խօսք մը արտասանէր: Յաղթականը ելաւ վերջապէս և քաղաքավարութեամբ խոնարհեցաւ երիտասարդ ամուլին առջեւ, որ սարսափէն անխօս մնացած էր:

— Ներողամիտ եղէք, ըսաւ կատարեալ ճէնթըլմէնի մը շեշտովը և ձեւերովը, անունս Նաթ Փինքէրթըն է և դադարնի ոտտիկան եմ՝ Նիւ Եօրքի մէջ:

Կալանաւորը յանկարծական շարժում մը ըրաւ այս հուշակաւոր և անարկու անունը լսելով և կարելի եղաւ անսահման սոսկում մը կարգաւ անոր դէմքին վրայ: Իսկ Անգլիացին չէր ուզեր ականջներուն հաւտալ:

— Ի՛նչ, պառայ, դուք Նաթ Փինքէրթընն էք, այն մեծանուն գաղտնի ոտտիկանը, որուն քաջագործութիւնները կը պատմեն ո՛չ միայն Ամերիկայի, այլ նաև իմ հայրենիքիս՝ Անգլիոյ մէջ:

Եւ նոյն իսկ առանց պատասխանի մը սպասելու, ըսաւ կնոջը:

— Նայեցէք սա մարդուն, Էլէ՛ն: Բովանդակ Ամերիկայի ամէնէն նշանաւոր գաղտնի ոտտիկանն է: Ա՛հ, ընաւ չէի սպասեր որ զինքը ճանչնամ այստեղ, այս մենաւոր ժայռին գազաթին վրայ:

Այն ատեն Լօրտն ալ ինքզինքը ներկայացուց: Յետոյ մատովը ցոյց տուաւ կալանաւորը և հարցուց:

— Ըսել է թէ մինչև հոս եկաք ոճրագործ մը հետապնդելու:

— Այո՛, Միլօրտ և Միլէտի, ըսաւ վարպետը հանդարտօրէն: Երկուքդ ալ, առանց կասկածելու, սոսկալի վտանգի մը ենթարկուեցաք: Քիչ մը առաջ կը խօսէիք բազմաթիւ անձնասպանութիւններու վրայ, որոնք կատարուեցան այս տեղ: Ճիշդ չէ՞:

— Այո՛, Հինթընի Եռունիըն պանդոկին մէջ, ուր իջած ենք, այնպէս կ'ըսէին:

— Է՛ր ուրեմն, անոնք ո՛չ թէ անձնասպանութիւններ, այլ սպանութիւններ էին, շարունակեց գաղտնի ոտիկանը և մարդասպանն ալ սա՛ թշուառականն է: Իր դո՞ները վար գլտորեց այս ժայռին բարձունքէն, որուն ստորտը անոնց անկումին կ'սպասէր իր մեղսակիցը՝ սպասաւոր Տէյվիտ Սօլմ, դիակներուն վրայէն կողոպտելու համար անոնց դրամին մեծագոյն մասը: Այս կերպով թշուառականները կրցան անագին աւար մը ձեռք անցընել առանց կասկածի ենթարկուելու, վասն զի խոհեմաբար հոգ կը տանէին իրենց գոհերուն ձգելու անոնց գոհարեղէնները և բաւական դրամ, որպէս զի ո՛չ ոք մտքէն անցընէ թէ սպանութիւն մը գործուած և զողութիւն մը յաջորդած է անոր: Եթէ ժամանակին չմիջամտէի, երկուքդ ալ հիմա ջախջախուած պիտի ըլլայիք անդունդին խորը, և այսօրուան թերթերը պիտի պատմէին թէ Լօրտ Քլէյվերսթըն և Կամուսինը անձնասպան եղած էին ինքզինքնին վար նետելով Մանուան ժայռին բարձունքէն:

Երկու ամուսինները կարծես թէ քարացած էին: Լէտի Քլէյվերսթըն դեբ դեղին կտրած էր և վար չիյնալու համար ստիպուեցաւ ամուսինին կրթնիլ:

— Զեր յուզումը հանդարտեցուցէք, ըսաւ Փինքերթըն: Այլ ևս վտանգ չկայ և այսուհետև ո՛չ ոք «անձնասպան» պիտի ըլլայ հոս: Երախտապարտ պիտի ըլլամ ձեզ, Միլօրտ, եթէ բարեհաճիք վայրկեան մը հսկել կալանաւորիս վրայ: Պէտք է շուտով վար իջնեմ և ձերբօկալեմ անոր մեղսակիցը, որ թաւուտներուն մէջ պահուըտած, կ'սպասէ որ ժայռին ստորտը իյնաք:

— Բայց սիրով կը հսկեմ: Հոս պիտի մնամ մինչև որ դառնաք և կը խոստանամ ձեզի որ չարագործը տեղէն պիտի չչարժի, ըսաւ Անգլիացին, Պրաունինկ ատրճանակ մը հանելով գրպանէն:

Կինն ալ վերջապէս ինքզինքը գտաւ և սոսկումով ու արհամարհանքով լեցուն ակնարկ մը ձգեց կալանաւորին վրայ, որ իր անզօր կատաղութեանը մէջ դետնին վրայ կը տապալտկէր, մինչ աչքերը բառին բուն նշանակութեամբ դուրս կ'ելլէին ակնակապիճներէն:

Փինքերթըն դարձեալ սպրդեցաւ ներքնուղիին մէջ: Աւելի շուտ իջնելու համար կ'ուզէր ծխնելոյզէն անցնիլ:

Նեղ ծակին մէջ սահեցաւ: Երբեմն իսկապէս մտահոգիչ արագութիւնով մը կ'իջնէր, բայց վերջապէս, իր ճարտարութեանը շնորհիւ, տասը վայրկեան ետք ժայռին ստորտը հասաւ անարգել: Ամենամեծ զգուշութիւններով ուղղուեցաւ դէպ այն տեղը, ուր Տէյվիտ Սօլմ պահուըտած էր: Գաղտնի ոտիկանը հոգ կը տանէր շրջան մը ընել ետեւի կողմէն հասնելու համար: Երբ մօտեցաւ այն թաւուտին, ուր Տէյվիտ Սօլմ տարածուած էր, տեսաւ որ անիկա մտահոգ և յուզուած կ'երևէր: Անշուշտ կ'ըսէր ինքնիրեն թէ ժամանակը կ'անցնէր: Նոր ձախողութենէ մը վախնալ կ'սկսէր:

Յանկարծ իր ետեւը աղմուկ լսուեցաւ: Ասդին պիտի դառնար, բայց նոյն պահուն զգաց որ ծանր մարմին մը կ'իյնար ուսին վրայ: Գունքին զարնուած կուռփի անաւոր հարուած մը դետին փակեց զինքը զգայազիրկ: Փինքերթըն կաշկանդեց զայն, այնպէս որ թշուառականը չկրցաւ այլևս ամենափոքր շարժում մը ընել: Աւելի զգուշութեան համար, ծառի մը կապեց զայն: Երբ Տէյվիտ Սօլմ սթափելով նաչեցաւ, սարսափով ճանչցաւ այն մարդը, որ առջի օր Սէմիւրլ Ուօրփիքի պանդոկը ներկայացած էր ձօն ձէքսըն անունով:

— Այլ ևս նոր ոճիր պիտի չգործէք, Տէյվիտ Սօլմ, պոռաց գաղտնի ոտիկանը: Սէմիւրլ Ուօրփիք վերն է կապուած կաշկանդուած և Անգլիացիին խիտ հսկողութեանը ենթարկուած: Իհնիճին գործ բացուեցա՛ւ:

Թշուառականը խուլ հայհոյանք մը արձակեց:
— Ի՛նչ կ'ուզէք ինձմէ, ըսաւ ակաւները կծրտելով: Ես գէշութիւն մը չեմ ըրած:

— Պիտի տեսնենք, պատասխանեց գաղտնի ոտիկանը: Նաթ Փինքերթըն սովորութիւն չունի անմեղներ ձերբակալելու:

— Նաթ Փինքերթըն, պոռաց Սօլմ: Ա՛հ ես...
Բայց չկրցաւ աւելի բան մը ըսել, վասն զի վարպետը բերնազայլ դրաւ, որպէս զի կալանաւորը չկրնայ օգնութիւն կանչել Փինքերթընի բացակայութեան միջոցին և ինքզինքը ազատել տալ:

Այն ատեն գաղտնի ոտիկանը նորէն ելաւ ժայռին վրայ, ուր ամէն բան իր ձգած վիճակին մէջ գտաւ: Պանդակապտին ոտքերը կապող շուանը քակեց և ստիպեց զայն որ իր առջեւէն քալէ: Ուօրփիք չէր կրնար փախուստի վերայ խորհիլ, վասն զի երկու մարդիկը իրեն կը հետեւէին:

ատրճանակ ի ձեռին և պատրաստ էին կրակել երբ կատկածելի ամենափոքր շարժում մը տեսնէին: Եւ արդէն այդպիսի վտանգի մը չէր ենթարկեր ինքզինք, վասն զի գիտէր թէ հռչակաւոր գաղտնի օստիկանը չէր թողուր որ կալանաւոր մը փախչի:

Վար իջնելուն պէս, գացին փնտռել Տէյվիս Սօլմ, որուն սրունքներուն կապերն ալ քակեց Փինքէրթըն, երկու մեղսակիցներուն ձեռքերը իրարու կապելէ ետք:

Թափորը այս կերպով ուղղուեցաւ դէպի Հինթըն: Սէմիւրը Ուօրվիք վերջին անգամ ըլլալով անցաւ այն պանդոխին առջեւէն, զոր բանեցուցած էր երկար տարիներէ ի վեր: Յուսահատ ակնարկ մը ձգեց անոր վրայ: Ինքզինքը չէր խարեր և աղէկ գիտէր թէ այլևս անգամ մըն ալ պիտի չմտնէր հոն:

Քննիչ Հօուլթիթ շատ չզարմացաւ երբ տեսաւ Փինքէրթընը որ գրաստենակը կը մտնէր երկու կալանաւորներուն հետ: Վարպետին մէկ կարծ տեղեկագրէն ետք երկու մարդիկը բանտարկուեցան և քանի մը վայրկեան ետք օստիկանութեան և դատական իշխանութեան ներկայացուցիչները պանդոխ կ'երթային խուզարկութիւն մը կատարելու:

Արդիւնքը ջախջախիչ եղաւ Ուօրվիքի համար: Քանսոն մեծագումար գրամներ և զանազան առարկաներ, որոնք կարծեցեալ անձնասպաններուն կը վերաբերէին և զորս Տէյվիս Սօլմ ու ինք կողոպտած էին: Այս սպացոյցներուն առջեւ երկու մարդիկը ուրանալէ ետ կեցան և խոստովանեցան թէ Մահուան ժայռին վրայ տեղի ունեցած բոլոր անձնասպանութիւնները իրականին մէջ ուրիշ բան չէին բայց եթէ սպանութիւններ, որոնց կը յաջորդէր զողութիւնը և որոնց հեղինակները իրենք էին:

Երկուքն ալ մահուան դատապարտուեցան և կորան դահիճին ձեռքով:

Հարկ չկայ ըսելու թէ այս ձերբակալութիւնը և դատը, որ յաջորդեց անոր և որուն արդիւնքը եղաւ Մահուան ժայռին վրայ տեղի ունեցած խորհրդաւոր դէպքերը լուսաբանել, անգամ մը ևս բարձրացուցին Նաթ Փինքէրթընի անունը և համբաւը:

Վ Ե Ր Ձ

ՀՀ Ազգային գրադարան
NL1007238 18

ՀՀ Ազգային գրադարան
NL1007237 17

ՀՀ Ազգային գրադարան
NL1007236 16

ՀՀ Ազգային գրադարան
NL1007235 15

ՀՀ Ազգային գրադարան
NL1007241 21

ՀՀ Ազգային գրադարան
NL1007240 20

ՀՀ Ազգային գրադարան
NL1007239 19

ՀՀ Ազգային գրադարան
NL1007234 14

ՀՀ Ազգային գրադարան
NL1007233 13

ՀՀ Ազգային գրադարան
NL1007232 12

ՀՀ Ազգային գրադարան
NL1007231 11

ՀՀ Ազգային գրադարան
NL1007230 10

ՀՀ Ազգային գրադարան
NL1007229 9

ՀՀ Ազգային գրադարան
NL1007228 8

ՀՀ Ազգային գրադարան
NL1007227 7

ՀՀ Ազգային գրադարան
NL1007226 6

ՀՀ Ազգային գրադարան
NL1007225 5

ՀՀ Ազգային գրադարան
NL1007224 4

ՀՀ Ազգային գրադարան
NL1007223 3

ՀՀ Ազգային գրադարան
NL1007017 2

ՀՀ Ազգային գրադարան
NL0933053 1

